

Ti kasayaan iti amin, ti Langit ket para kadagiti ubbing (ken uray dagiti natataengan) a namati ken ni Jesu-Cristo kas Mannubbotda ken nagtulnog Kenkuana kas Apoda. Idiay Langit adda ti maysa libro a maaw-awagan iti Libro ti Biag ti Cordero. Napunno daytoy kadagiti nagnagan dagiti tattao. Ammom kadi nu akin-nagan dagiti nakasurat sadiay? Amin dagiti tattao a nagtaleb ken ni Jesus.



Nakasurat kadi ti naganmo sadiay?

19

Dagiti maudi a sao ti Biblia maipapan iti Langit ket maysa a napintas nga awis.



20

"Ket kuna ti Espiritu iti nobia, 'Umaykayo!' Ket ti siasinoman a makanggeg 'Umay!' Ket ti mawaw umay. Ket siasinoman nga agtarigagay, siwaya-wayaya nga uminom iti danum ti biag."




21

Langit, ti Napintas a Pagtaengan ti Dios
Ti istoria manipud iti Sao ti Dios, ti Biblia
ket masarakan iti

Juan 14; 2 Corinto 5;
Palting 4, 21, 22

"Mangted iti lawag ti iseserrek ti saom."
Salmo 119:130

Langit, ti Napintas a Pagtaengan ti Dios



Sinurat ni Edward Hughes
Inladawan ni Lazarus

Inpatarus ni Christian Lingua
Inadaptar ni Sarah S.

Istoria 60 ti 60

M1914.org

Bible for Children, PO Box 3, Winnipeg MB R3C 2G1 Canada

Lisensia: Adda karbengam a magkopia wenna mangiprinta iti daytoy nga istoria basta saan mo nga ilako daytoy.

Ammo ti Dios a nakaaramidtoy
kadagiti dakes a bambanag, nga aw-awaganna
iti basol. i dusa ti basol ket patay.

Ay-ayatennatayo unay ti Dios ta imbaonna ti Anakna,
a ni Jesus, tapno matay idiay Krus ken bayadanna ti
dusatayo. Nagungar ni Jesus ken nagsubli idiay Langit!
Mabalinen a pakawanen ita ti Dios dagiti basoltayo.

Nu kayatmo a tallikudan dagiti basbasolmo,
ibagam daytoy iti Dios: Apo Dios, mamatiak a natay ni
Jesus para kaniak ket sibibiag manen ita. Umayka kadi iti
biagko ken pakawanem dagiti basolko, tapno maaddaanak iti
baro a biag, ken kalpasanna ket makikaaddaak Kenka
iti agnanayon. Tulungannak nga agbiag para Kenka
kas anakmo. Amen. Juan 3:16

Basaem ti Biblia ken makisaritaka iti Dios iti tunggal aldaw!

Ilocano

Idi adda ni Jesus ditoy daga imbagana
kadagiti adalanna ti maipapan iti Langit.



Inawaganna daytoy a "Balay ni Amak", ken imbagana
nga adu ti mansion sadiay. Ti mansion ket dakkel
ken napintas a pagtaengan.
Dakdakkel ken napinpintas
ti Langit ngem ti aniaman
a naindagaan a
pagtaengan.



1

2

Kinuna ni Jesus, "Mapanak agisagana iti lugar a para kadakayo. Ket nu mapanak ken agisaganaak iti lugar a para kadakayo, agsubliakto manen ket alaenkayo iti dennak."



3


Napan ni Jesus idia Langit, kalpasan a nagungar Isuna manipud iti patay. Kabayatan a buybuyaen dagiti adalanna, naipangato ni Jesus, ket inawat Isuna ti ulep manipud iti imatangda.



4


Sipud idi, linaglagip dagiti Kristiano ti kari ni Jesus nga agsublinto manen ket alaenna isuda. Imbaga ni Jesus nga agsublinto Isuna a giddata, inton awan ti mangipagpagarup. Ngem kasatno ngay dagiti Kristiano a matay sakbay ti yaayna? Ibaga ti Biblia nga agdiretsoda a mapan ken ni Jesus. Ti kaawan iti bagi ket kaadda iti Apo.

ADDA ITI APO




5

Iladawan ti Palting, ti maudi a libro ti Biblia, no kasano kapintas ti Langit. Ti kasayaatan ket, iti naisangsangayan unay a wagas, ti Langit ket pagtaengan ti Dios. Adda ti Dios iti amin a lugar, ngem ti tronona ket adda idia Langit.



6

Idaydayaw dagiti anghel ken dagiti dadduma a nailangitan a pursua ti Dios idia Langit. Kasta met dagiti amin a tattao ti Dios a natayen ken napan idia Langit. Agkankantada kadagiti naisangsangayan a kankanta a pagdayaw iti Dios.




7

Adtoy ti sumagmamano a sao manipud iti maysa a kanta a kankantaenda: MAIKARIKA AGSIPUDTA SINUBBOTNAKAMI TI DIOS BABAEN ITI DARAM MANIPUD ITI TUNGGAL TRIBU KEN NASION KET INARAMIDNAKAMI NGA AR-ARI KEN PAPADI TI DIOSMI. (Pal. 5:9)




8

Iladawan dagiti kakaudian a panid ti Biblia ti Langit kas "Ti Baro a Jerusalem". Naglawa launay daytoy, nga addaan iti nangato nga alad iti ruar. Ti aladna ket naaramid manipud iti bato a jaspe, naliknaw a kas iti kristal.




9

Kaluban dagiti rubi ken napapateg a bato ti pundasion ti alad, sumileng kadagiti agkakapintas a kulay. Tunggal maysa kadagiti pagserkan iti ciudad ket naaramid iti maysa a dakkel a perlas!



10

Digidiay perlas a pagserkan ket saanto pulos a maiserra. Sumrektayo ket kitaentayo ti aglawlaw ... WOW! Napinpintas pay ti uneg ti Langit. Naaramid ti ciudad manipud iti puro a balitok, kasla naliknaw a sarming. Uray dagiti dalan ket naaramid manipud iti balitok.




11

Agayus manipud iti trono ti Dios ti maysa a napintas ken naliknaw a karayan ti danum ti biag. Adda iti agsumbangir ti karayan ti kayo ti biag, a masarakan idi idia Minuyongan ti Eden. Naisangsangayan unay daytoy a kayo. Addaan daytoy iti sangapulo ket dua nga agduduma a bunga, agduduma a kita iti tunggal bulan. Ken dagiti bulong ti kayo ti biag ket para iti pannakapaimbag dagiti nasion.



12

Saan a kasapulan ti Langit ti init wenna bulan para iti lawag. Ti mismo a dayag ti Dios ti mangpunno iti daytoy iti lawag. Awan ti rabii sadiay.



13

Uray dagiti animal idia Langit ket naidumduma. Naamoda amin ken mannakigayyem. Agkadua nga agarab iti ruot dagiti lobo ken karnero. Uray dagiti nabibileg a leon ket mangan iti garami a kas kadagiti baka. Kuna ti APO, "Saandanto a mangdangran wenna mangdadael iti entero a nasantoan a bantayko."



14

Kas kumitatayo iti aglawlaw, mapansintayo nga adda dagiti banag nga awan sadiay Langit. Awan ti mangngeg a sao ti pungtot.



Awan ti agaapa wenna managimbubukodan.

15

Awan ti kandado dagiti ruangan, agsipud ta awan ti agtatakaw idia Langit. Awan dagiti ulbod, mamapatay, manggagamud, wenna managdakdakes a tattao sadiay. Awan ti aniaman a kita ti basol idia Langit.



16

Awanen ti lua idia Langit iti denna ti Dios. Sagpaminsan, agsangit dagiti tattao ti Dios iti daytoy a biag gapu iti nalaus a ladingit. Idia Langit, punasento ti Dios dagiti amin a lua.



17

Awanton ti matay idia Langit. Agnanayonton a kadua dagiti tattao ti Dios ti Apo. Awanton ti ladingit, awanen ti agsangit, awanen ti ut-ot. Awanen ti sakit, awanen ti panagsina, awanen ti maitabon. Agnanayon a naragsak ti tunggal maysa idia Langit iti denna ti Dios.



18